

崇百藥齋三集

崇百藥齋三集序

陽湖陸子饌其甲申以來四年之詩爲崇百藥齋第三集合詩詞四卷長洲宋翔鳳爲次弟其目而序之曰陸子年過知命名因外吏菀菀多病時時傷心有難割之恩成無方之別故經以山川緯以離合見其淺也挹之則深見其近也推之則遠所謂不得已之言尤足以傳也前者兩集之成合數十年之作旣已鋟鍊章句切劘聲音使讀者惜少壯之意氣識沈淪而俯仰或者謂詩人之慷慨無濟於事業是皆肆奇懷而不返摛藻景而遂流若夫忠厚惻怛明其本原沈憂憮恍推其極至此固平昔之蘊積偶寄託於詞章爾茲以方滯常調仍爲

月
旅遊挈累皖水卒業方志廉使崧亭先生旣耽玩其舊集復濶覽夫新篇爲付剞劂使人快覩陸子乃更商其去畱因致往復風雲之氣欲歛冰雪之懷斯結然或緣情不嫌綺靡設境以致纏綿搃千慮於一愛露萬端於片言此騷客以歲晚而惜衆芳詩人以道遠而增雜佩理有限制故和而不流義有歸宿故擇而尤雅咏嘆之不足引申於無窮蓋積差池於去日願馳驅於末路攬采蕪穢潤沃焦枯形之於言斯益悲矣吾與陸子金石論交道里相憶人涉卬否時咏於摻祛謀適不用常繁茂矣又奚益乎然又思詩所爲作一篇之中不忘乎已

不忘乎人者皆以寬博之願空有所蓄而疾痛之故思
有以達豈其日暮途遠而徒爲無憇不平陸子雖以拓
落猶非棄置將可措施則廉使爲續布其詩蓋亦深知
其志力之所在并爲抑塞者發其情也道光八年三月

崇百藥齋三集目錄

弟一 傷逝集

弟二 梅心集

弟三 望雲集

弟四 玳梁集

弟五 玳梁乙集

弟六 玉燕集

弟七 焚巢集

弟八 望雲乙集

弟九 薌溪集

弟十 息陰集

第十一序記碑銘述
第十二墓表墓誌

崇百藥齋三集弟一

陽湖陸繼輅祁孫

傷逝集

甲申

病起用汪公子

正榮

見寄詩韻

曉霧未成雨落牆上薄曛病懷仍黯黯
花片已紛紛研思殘墨繙經失舊聞
峭寒蜘蛛網覺著意織簾紋

哭劉穎州

珊瑚

春林如夢復如煙暝色全低望遠天人惜淮陽資臥治
我疑子晉本飛仙肩輿小雨邀還坐病枕昏燈憶對眠
一樣相思不相見誤招歸雁寄吟箋

楚天容易薄寒侵病訊傳來乍淺深鏡裏孫郎尤惜面

君初苦腳腫自下而上
數日卽過項不復可治

君詩才艷異而少戒特嚴

千篇未了三生慧一慟平連十日陰見說徐君墓旁路

靈旗縹渺出疎林

君自言以請免河絳一事
冥司論功當廟食泗州

潑水刀光照眼明黃巾小隊正縱橫吹笳自作千夫長

滋蔓曾勞九道兵曲逆貌看戎服稱晉公來已蔡州平

尺書誇我詩題好紀事恩恩馬上成

此首述君摺耶名章事

娟娟秋露欲爲霜爲惜清輝忍乍涼倚檻心情成隔世

離筵涕淚已千行碧紗悔與籠詩識白戰猶煩索報章

君病中有詩見懷用東坡聚星堂韻

獨有憐才孔文舉會稽一語斷人腸

平叔侍郎書來深以君體弱爲慮

得子濤書

一病經春掩綺疏燒殘艾納未全除朝來手卷湘簾坐
恰展楊郎第一書

病中聞先姊之赴倚枕作文先命聰應設奠稍愈
復爲位而哭焚致一詩

草草攜家悔遠征饑驅能使別離輕更誰見面如慈母
無復裁箋署小名他日憲昭應合傳

先五姊守節如最
例方擬請旌

難丞簿有循聲謂昌慈事親教子心都盡怪底臨岐一笑

行

姊自知亡日手檢殘
一如太孺人

孫司馬餉筆試寫三絕句

病起值新霽喜見日杲杲經月不開窓方知有窓好
浮雲上距月輪不知幾千萬里遮却下界清光何與姮

娥眞喜

偶惜落花暝夜雨欲留殘雪惱春風浮生恩怨渾如許
泡影紛紛一笑空

戲題桃花源圖

居然風景寫來真我却桃源嬾問津雞犬長生花壽短
此時愁煞再游人

錢太守僑居白門以弔劉潁州之喪枉道過訪留
近詩兩冊屬爲刪定別後却寄

頻年宦蹟感摶沙故吏仍勞走素車潁州爲合肥令時君方守廬州傷逝始驚春夢短耽吟好在夕陽斜全家屋借江邊艇三
月愁生陌上花未敢負公誼諉意一燈商榷到尖叉

余與劉潁州相約斷酒五年矣。潁州歿後以下藥故稍稍開戒。數日來非連引巨觥不能成寐。感念亡友。愴然成詩。

漫向高陽數舊徒。病來蹤跡避黃鑪。下車詎擬爲馮婦。罵坐兼煩戒灌夫。夢裏酒泉聊乞郡。愁中鳥語勸提壺。傷心春雨沈沈夜。小別曾憐燭影孤。

聞劉潁州歿後爲泗州城隍之神。近日城隍神多有姓氏可據者。而蘇緘爲邕州城隍乃見於宋史。蓋地示人鬼叅用久矣。聊賦一詩焚寄亡友。

一紙除書下九天。依然試吏不成仙。
君朝考高等
未入翰林敢拋鬼簿窺中秘。若較官階是左遷。元伯可能來夢裏。寇君

元想借生前

君本由泗州牧擢守潁州

丁甯急爲消氣祲積潦妨耕

已十年

綠牡丹四韻和寄孟塗

病起尋春春已歸綠陰如夢一徘徊儘教侍女牽蘿去
難拒憇山放蝶來草淺可容藏絕艷竹成正擬潑新醅
寄聲刻翠樊南筆值爲朝雲又費才

獨夜

獨夜理殘夢不知身已醒交期泉路久暗雨故鄉聽冷
宦仍千里甘蕉又滿庭晚晴宜晏起愁報一車停

門人夏秀才

雲

歿逾月矣行過曾園揮淚有作

老梅出屋攬明月石獸著落披綠衰

李文定宅廢爲蔬圃惟兩石獅尚存

都是孤行淒絕處一回經過一摩挲

劉公子奉遺命來乞墓誌感而有作

當時過許習銘章戲語會要盡一觴正恐蔡邕懸有道
未須朱勃是同鄉踰溝如約剛三刻君乘雨渡河生擒之
邢名章遂邀花朝賜

祥

偶題和子聘

愛才宰相平津館偕老蓮華學士莊閒向方塘同照影
玉人猶著嫁時裳

歸朝牙繡未全辜抗疏先除故郡租稍恨當時亡妾淚

不分一掬灑靡蕪

山色波光總餉愁隔江望斷舊粧樓怪他三月初三夜
那有新詩詠玉鉤

故物空煩著意尋一庭桃李換新陰虞山最是相思地
紅豆無情活到今

重開塵鏡畫新蛾斷粉零香委逝波卿輩姓名誰記省
至今惟唱石城歌

蠟磯夫人祠

餘火翻資敵沈淵豈徇名文偏良史闕恨未暮潮平憶
昔甯親急微傷去國輕何圖椒寢建不暇鞠衣迎古道
蠶叢遠訛言鶴唳驚家門慙九錫兵法誤連營忠節兼
臣妾恩讎付舅甥重滋湘竹色忍聽杜鵑聲爲感黃陵

廟興懷白帝城流虹虛子貴夢月兆辰贏詎泄謀桑語
都忘就木盟神傷蔣侯妹骨謝漢家塋正統名原在偏
安勢竟成興亡前代事仇讐百年情眉影遙山感刀光
夕照橫攀蘭遺下女心薄輶塵生

一雨

一雨散羣客快於書絕交多言乘病戒綺夢過春拋老
樹山僧瘠孤花村女姣眼前皆伴侶聊欲號烏巢

齒痛戲作

楚客讒微辭晉政咎輕詆臣性最淺直一望徹表裏座
揮錢鳳幘弦激陳琳矢嫉惡如嫉讎誇頗自喜三彭
上彈章勅下冥司理夜來夢置對申辨不委靡冥司鑒

臣愚無例可援擬一疏回天瞋狂生竟免死牙慧當削除薄懲荷溫旨非別亦非髡一過擊一齒橫排三十二此痛曷云已

舌柔斯長存齒剛輒易折常譚吾久聞信汝尙志節豈知實庸奴含垢強就列上慙蕭太傅和藥促引決下愧翁子妻故夫一言訣人方思拔釘彼自陳戀闌不悟賜空函徒勞佩金玦難繫終童纓孰擊段公笏計惟鄰女梭一擲當快絕

行汝旣乏術留汝復何如當餐不我阻就枕無爾虞果我腹便便甘我夢違違約法至簡易積怨悉消除豈徒去我疾庶用奠汝居編貝還東方火攻謝阿奴朝滋張

八
乳暮饜郇公厨有時過靈妃譚元必汝俱汝亦無不利傾危匪良圖齒聞似感動改過神所俞急招梁夫人一笑回清曠

爲劉穎州點定遺集書後

短短交期悔造因一篇絕筆最傷神

續集五卷終於用聚星堂韻見懷之

作死無月戶樓才鬼生少雲臺畫璧人奇識先摧曾倚

樹

學舍垂柳一株君來卽從倚其下去年秋忽爲大風所拔

工愁休誤再來身喪舟

望斷歸帆影那得吟魂入夢頻

哭貴筑黃氏從孫女并示聰應

送汝曾悲萬里程大歸又痛燕孤鳴空餘紱佩圖遺像

增以通判待次江南未及真投敢望

絲綸子特旌女守志在三十後同穴有言難踐約衰宗誰後不知名一詩留取當遺令寒食年年上塚行

和虞廷見懷之作次來韻

付命非一端造物各有故天長人壽短何由得目遇苦樂祇自知褊心易成慕假令易境處必悔失故步吾友文而儒託業在豪素辭擷江鮑秀經守許鄭詁奔馳不廢學聞道未云暮君如羲杜門我正快行路

附錄

宋翔鳳

言念少年游存砌各多故陸機賦早成終感士不遇五載客廬江官冷歎遲暮所幸著書勤當接古人步頻煩損尺書落落道平素文辭究波瀾經義窮訓詁

千秋一室中此意吾誠慕誰知寒暑易子在岐路
命君孚代錄近詩伯游見而工之作詩見寄譽及
老夫戲答

病來放筆愧歐虞嬌女裁牋足起予誰識山陰狂大令
趨庭不習右軍書

附錄

陳方海

故人舌在尚工吟弱女能知閉戶心想見中郎傳筆
勢一庭花雨過春深

汪五正榮雨窗懷舊圖

索居逾五年雙眉蹙不展問我何所苦懷舊意難遣汪
生同此心懷舊寫作圖不知所懷誰但感氣類孤美人

娟娟隔秋水夢裏朱顏不會改願抱相思下九淵不願
相逢失光彩君不見汪生苦雨我苦晴閒庭月出生遙
情君如攜我月輪去我亦令君雨聲住

張秀才

丙

漁村圖

與君先世皆釣徒宜君示我漁村圖漁村之圖橫暮靄
鬢鬟山容見西塞漢湖雖好客思歸夜夢閒鷗落衣袂
聞鷗不聞方苦饑急羽鎮逐哀鴻飛明朝求得雨一尺
遲我漁村踏雙屐

禱雨歎二首

朝步禱夕步禱雲峰插天日杲杲去年米賤潦猶可今
年米貴旱殺我太守縣令皆清官那有廉泉救急火就

中我是蟻蟲臣逐隊叩頭心有云江南農勤江北惰旱
是天災惰人禍城河久塞塘無多天未欲雨當奈何
前日禱雨歸雷聲震檐瓦今日禱雨歸雨聲亦飄灑冷
官手種蔬一畦兩度得雨蔬不知蔬兮槁死何足道別
有芳蘭委秋草

虹

東虹日出西虹雨虹今在東奈何許去年積潦三尺強
萬目向東那見汝虹兮不辨東與西所望主者爲轉移
我無長劒倚天外彳亍空庭下虹拜

示雪慧

離緒汝初覺征途我自支料量儲藥裹反復問歸期風

色一帆利江行六月宜瓊田連理樹多事長驥枝

子役皖江湖舟雜感

生路覺路長熟路覺路短據鞍七度走京華此日一帆
翻更遠人生久逸乃生疾五年驅病渾無術江光山色
八日程自訝離懷底蕭瑟君不見路長路短在客心摩
挲髀肉淚滿襟

廬州城河久淤塞終歲不聞欸乃聲有時送客到湖口
暫使雙眼生光明今來盡日推篷坐快意清波洗塵涴
何當徑趁一帆風兩點金焦掠窗過

衾簾生涼客夢醒推篷乍失征帆影漁湖便擬銀河通
碧月照人猶在頃吾家老屋笠澤西五瀉一舟橫釣磯

江鄉米賤亦須買鱖魚正美將毋歸

臨湖司馬梁溪薛玉堂兩度辭官意鬱鬱卸帆且復訪友來知君見我心顏開鬢鬢無情瞋不得一回相逢一回白浮生來日知幾何三百六旬珍此夕莫將得失預較量一笑擦償淚沾臆

周郎

濟

貽我一卷詩舟行不聊日諷之馬中赤免人中

布追及烏輪氣猶怒有時大戰化作鍼柳絲花朵橫羅襟珠歌翠舞酣長夜一夢還家苦無暇有時熱淚接春潮萬弩排江不能射恒星墮地水上天東汎西沈犁爲田待君歸耕復幾年

姥山之東一洲峙上築道院旁無鄰此間倘復容小住

應少元規塵汚人江南絕境行處有霍莊木瀆都成負
縱教絹素能久留向與蓮裳擬木瀆結鄰船山爲作圖後保緒又有霍莊買田之約潔士爲圖
圖作識取朱顏是誰某邱壑還須早置身萬事何堪待衰
醜

湖波何澹沱客意共閒暇豈知去年秋浮屍蔽湖下場
雨應期人不珍張弛稍過皆足以殺人鷺鷥一飽差易
得坐待甘霖亦頭白時望雨甚急

輕舟如葉水接天舟中人擁桃笙眼若教風浪忽相激
甯免蒼黃動魄魄風南風北安可知舟行不行人所持
君不見柁師安坐揮羣楫不視客心爲緩急

日行灤湖中夜宿灤湖裏湖深月黑天茫茫疑有潛蚪

挾舟起書生生性如沙鷗浩蕩不識風波愁凌晨說夢
殊怪偉玉珮珠璫探懷在龍姑一曲縱筆成惜哉不以
此筆賦

帝京

湖心晚泊待月未果

昨宵泊處望全迷別緒偏懸落日西明暗水分船左右
回環山學浪高低故人或已聞靈誰謂畫木丙季清夢惟應
化浴鷺預擬歸帆須卜夜一鉤等取招柔荑

曉月謠

中作
灘湖舟

天色深湖色淺朝雲高翠帷卷天色淺湖色深微風吹
動羅襟廣寒仙人仙夢歇手整煙鬟出瑤闈露重香濃

隔玉顏一鉤窺見金跳脫

舟過居巢擬訪李明經

瑞

不果

高閣豈待賦破浪非所期一葉浮漂湖夾岸青山馳快
馬輕刀好身手十年消向孤篷酒聽水聽風獨客心夕
陽倚遍沿隄柳黃浦春潮照影渾潞河秋牖留人久浮
槎山下掩蓬廬略比牽舟岸上居借得布帆思訪友那
煩梁燕作前驅恩恩翻負羅浮約建業風高不能泊絕
倒天涯兩寓公何時同跨南飛鶴見亦徒然別又悲臨
岐且免淚雙揮寒簫解識相思意爲我眉痕蹙不開

重閱王衛輝

蘇

詩有感

漫說書生文福齊豈知仍是憶雲泥歡筵淚灑彈箏後

病榻心飛落日西楚帳何人當側盾吳江快意試燃犀
由來枕上遊仙近悔共劉郎聽曉雞

愈湜題門三度看

君偕卿綱孝逸三度過訪不值遂有武昌之行

從知在郡重

孤寒戴頭大尉鋤強易露齒歐陽息謗難此日尙驚詩
膽放急裘誰信宦情閑因君并憶吹香閣

莊州招余與君相見處

郴州契後閣亦漸廢矣折到花南第幾欄

和頻伽見懷次來韻

我交三郭一郭死

厚菴舍人

蘭池近者疎吾徒感君寄書語

款款觸我懷舊心區區狂蹤傳世雜真僞微志耿胸今
有無且當快意吐冰雪此物未至銷洪鑪

附錄

郭麌

早應宮禁呼才子老向煙波作釣徒人世升沈原爾
爾畢生著述亦區區青氊未必豪情在紅蠟能知舊

淚無嵇阮漂零應劉逝西園

時客邗上題襟館

何似酒家鑪

舟過臨湖薛司馬

王堂

張博士

興鋪

屠州倅

慕曾

劉刺史

用錫

分日招飲

客久鄉音好譚深花氣融

時盆蘭大放

游魚初入隊蓄鳥鎮

嫌籠倚檻石同瘦

司馬及余皆久病初起

臨池我未工

米元章所拜石及墨

池並在州署

篙師催不得三日打頭風

江行雜詠

前山欲收青後山尙橫黛飛鳬背斜陽導我出天外我
性適煙波頻年苦湫隘一枕聽江聲幽憂疾已瘥

掛席乘朝涼露重樹如沐江光生白曉染我鬢絲綠輕
雲甫離山鱗鱗展文縠或有雲中人翩然慰幽獨

荻港午泊

揚帆未覺快曳綽易生怨習知謀食艱豈敢訴勞倦我
暫得驅策事當寢懲勸柰何赤日下安坐視流汗招之
使登舟姑留爾力半繫纜綠陰中鼾聲滿江岸

夜泊大通驛見月

經旬思對月乍覺碧天遙驛火聞吹角江波見纖綃五
松今在否老葛或相招且復添衣坐舟行第一宵

桐城阻風招土人閒話

汝陰得雨未如切故鄉思見說樅陽早惟餘五日期重

傷天豈忍

去年
大水

兩感

字見
素問

疾難支急語親民吏勤求前

事師案疑留牘久士倘怨珠遺局外空譚易無聊偶賦

詩

阻風

江勢西南下風來正與俱雲飛千嶂動水闊一舟孤倘
挾甘霖至能生萬晦枯吾行任留滯家世習菰蒲

胡二

華黼

見示近詩

胡生一官百僚底與我同客情相親口所可言獨篇什
意有不合聊吟呻香山正喜老嫗解杜陵幸免丞相嗔

居然

九重識名姓旦晚看爾懷抱伸

時大計
上考

題畫

閒庭隱約聽孤吟道是花陰又水陰坐到日斜書亦盡
知他底遣此時心

偶讀有正味齋集感題面葉

爪痕根觸雪消餘却憶南園泥漬寓舍似故居剩有放翁團
扇在看人流淚漬遺書

月下簫聲海上琴詩題一半記同吟怪公留我人間住

兩字長年誤到今

卷中書繼輅字
問誤作新生

一篇神誥感鴻辭此德甯堪論報施發願年年逢忌日

佛龕燈影誦遺詩

艤舟亭畔一帆低小影偏驚日易西此日倚樓人亦去

謂味
辛文 村梅沿路待誰題

沿路村梅苦耐寒
公見跋道中句

朱霍山

士達

招謁唐元忠宣公墓因飲大觀亭酒

闌題壁

頻年客寄鄭公鄉
照影初來清水塘
墟墓卽今成眺覽
滄江終古閱興亡
一朝士氣收殘劫
千里秋聲赴夕陽
醉後闌干憑不得
楚天愁思正茫茫

過江山色最無情
袁褚忽忽任死生
塞草尙悲前相國
嶺梅又殉小朝廷
各留佳傳終青史
定有貞魂聚碧城
守墓轉憐危太樸
幾人曳履不聞聲

附錄

陳其松秋麗

登高有酒弔清冷尙見人心重此亭三楚烟波連醉

色一家忠孝動江靈吟餘帆影翻窗白坐久山光入
几青是否當年喬木在秋聲無際若爲聽

敗牆幾歲倚江隈珍重賢侯刈草萊

謂陶懷甯

化鶴倘從

華表見飛鴟不向墓門哀九天陰雨孤軍出半夜奔
濤萬馬來丹荔黃蕉神嗜否鬱葱遙望氣佳哉

查揆梅史

七年宣慰繫安危青史因公一涕垂吳楚蒼黃殘局
盡江淮彫効幾人支孤軍海上田橫島太守城南許
遠祠歎息韁刀揮手日天魔按舞正酣時

江亭秋序劇崢嶸清水塘西結構成往事但聞陳陟
起有人還媿褚淵生一家兒女風雲氣百戰兵戈草

木聲我似翟湯千載下墓門來酌卞忠貞

劉珊瑚海樹

怒濤千古挾軍聲一旅曾攖四面城上將星辰營陣
結小姑風雨墓門平登陴義激殘民慟却眉恩深死
士傾誰識牙旗環聽講當時裘帶氣縱橫

一角孤亭倚麗譙江天極目莽蕭蕭魚龍出沒靈旗
偃猿鶴妻涼宰樹搖骨肉九原同尺土干戈七載枕
寒潮故鄉我是廬江吏淚灑西風賦大招

閨秋自會城還廬州阻風病瘡傷逝懷人悽然有

作

朔風匝地餉離愁十日江干艤客舟如此煙波非故里

片時裘葛集殘秋，鍾期一去琴心死。

謂蔡延平臨潁重逢劍

器收且欲回帆誇破浪，小姑眉黛豁雙眸。

由來涉世戒爭先，歸路何妨暫著鞭。
沈醉恨無千日酒，閒宵并少九江絃。
一行衰柳藏孤寺，萬葉秋聲擁獨眠。
輸與故人爲客好。

謂伯厚

全家笑語夜燈前。

鵠原慟哭不堪聞，宦路無憮愴夕曛。

子訛弟方立樹珊兄林一先後謝世

惜逝直同黃叔度。

同人痛惜方立不減皋文

論才誰識李元賓，杜門

地僻惟成夢，入世情多悔。
造因正是姊喪除未得，又看

斷鴈一傷神。

同舟話舊各潸然。

劉公子起英

對此茫茫集百端，海上琴樽

方丈遠。日邊雲樹玉樓寒，俊游留取譚天寶。
典論何人

續建安畢竟彭殤難一致升湛久付老僧觀

過舒城哭前博士段君

達和

百感蒼茫集薄醺故山無處望斜曛我來腸斷桃溪渡
風景依稀似白雲

吾鄉渡名君所居也今爲張氏宅

將抵桐城簡汪五

珊瑚翡翠綯秋林艷絕龍眠雨後峯三折板橋橫鵲尾
一星驛火照梅心易看吳魏鋪兵氣難起應劉和旅吟
竹畝孟塗告以此月溘逝只有桃花潭上客杜門不待入山深

桐城道中哭孟塗

愁絕縱陽道秋陰日易頽傷心思往事屈指失奇才萬
斛詞源涸三春蕙草摧無煩世人殺一笑上瑤臺

挂笏亭望龍山因簡吳大令

山鋗

短短疎籬隔俗塵江村風景記偏真圍爐恰稱消寒飲
佇月應逢倚檻人半額看痕平視近一畦草路獨來頻
此時鄧尉花開未閒煞先生墊角巾

挂笏亭夜坐

一笠虛亭倚水隈偶憐清景此徘徊江城夜靜時聞鴈

官閣冬暄早放梅

琴酒闌珊人漸老

是日秋旄丈招飲未赴

英雄

割據事堪哀

時仿隋志舊事篇例輯皖江大事記

龍山咫尺徐君墓可許

重聽鬼唱來

袁孟塗也

冬暄戲作

侵曉文窗拓碧紗夜吟未覺玉輪斜癡蠅福命勝蝴蝶

親見仙人萼綠華

答周漢川

鶴立

寄近刻

別緒經三載新詩又百篇可能憑故紙長與駐流年玉佩消魂地金波望遠天相思通一水夜夜剡溪船

墨瀋看猶濕珠光自辟塵祇餘丁敬禮同哭李元賓

已之冬君及丁大令應鑾同客劉領州合肥署舍與余唱和之作粘齋壁幾徧

縣令新題墓良

朋舊指困勉收傷逝淚憐取部中民

謂領州公子德滋

飲顧書記

桓

寓舍之明日簡吳大令張茂才

昆榮

江天愁思鎖漫漫徑尺濃雲壓畫闌左宦心情成醉易

謂大令彫年景色放懷難小紅一去簫聲咽大令春草全

令蕪詩夢殘

茂才爲亡友可之從弟話舊泣然

我是南皮吳季重爲君惆

悵損君歡

任亳州

壽世

招飲有作

崢嶸歲事減詩腸

花南句

破戒爲君酬此觴坐不序官母

乃僭譚逢知己尙能狂披圖較比遊山逸

少伯蘭舟各

休沐翻因說士忙

君方暫

解州事我本彥昇臺畔住一竿煙水

鎮蒼茫

漢碑額五一曰漢車尉陳一曰卜君之頌一曰中

牟魯君一曰廣平侯尉一曰司農公索直過當不

能償也悵然有作並簡汪四

正蓋

過眼煙雲一惘然夜珠十九照人圓向來珍賞知誰氏
暫得摩挲亦夙緣小印畧同銀約指雕籠親送鳥歸禪

爲伊根觸浮生夢。獻斷疎鐘半未全。

柬張四

宜尊

小隔漢湖水。一重龍山珍。重此相逢美人晉。
寫初三月仙吏身。圍十萬松。君擬留居鄉縣築室湖上種松三十萬株穎上歐陽終是客盤中李。
謂申久歸農。謂申士龍自憶西頭屋。遲爾裁紈畫九峰。

將留皖城度歲書示慶麟並寄魏昆明同年

十年復此同除夕。我是他鄉汝故鄉。往事與譚前五度

戊辰在都門己巳在鄰城辛未在永甯壬申癸酉在洛下來時共記展重陽。余以九月二十日再至皖城祭詩自覺清才減。守歲方驚去日長。頗意玳梁

歸燕否。蠻雲塞月正茫茫。

桐城詩人方丈于穀從汪氏兄弟見余詩以爲古傷心人之作尺書通意走筆奉答兼訊張大令目

疾

鎧殘香燼費支持載酒江湖夢醒時流盡春波飄盡雪傷心不道有人知

小亭日日對龍山

布政司署有亭日
柱笏正對龍山

山下人家正掩關

樵徑生疎魂不識夢來須趁鶴飛還

愧我曾無記事事珠尚書詩格最清癯

余所見方勤襄詩甚多猶憶爲公子

傳穆索婦外家有敢云甥似咎可許姪從姑之句今君輯方氏詩至七十卷而勤襄遺集散失僅存一律爲之惘然聞娘十八朱顏在也是浮生未見書

勤襄移鎮閩浙遠勞幣聘以疾

未

絕憶詩人張敏求琴書典盡況征裘何當翦取吳淞水

張君前官松江有惠政

手爲先生洗僕眸

陳大

方海

省侍清河阻風未發詩以訊之次令弟

方瀾韻

郎君作賦高王勃賤子移居愧葛洪

余自布政司署移居志局遂留度歲

紙閣對局燈火近

謂伯恬

寒江極望水天空歸仍是客憐

羈宦飛不成行有斷鴻向晚雪晴應見月好看雙影玉

輪中

寒夜雜題

一枝誰與寄橫斜借得春來覺太奢匝地寒風吹不墮

那煩羔酒賞唐花

陳公子舊藏南田畫牡丹余借懸寓室

小齋三面種芭苴遲爾裁箋賦子虛一夜西風吹雨急
可憐真作病相如

徐公子乃溥蕉窗夜課圖

空谷佳人翠袖涼纈絲須白復須長分明似我西頭屋
先倩蘆簾著孟光

紡紗士女

山深路古獨行遲知是新知是故知那不還家看鬢影
香溫茶釀試絃時

抱琴訪友圖

一鹿中原抵死爭與人家國太勞生相要莫訝雞鳴早
彈指斜陽下穀城

進履圖

問訊都無半畝田客中情緒畫中憐何人爲滿平生願
多謝窮交朱鶴年

野雲爲叔安寫開軒對綠疇冊子

小除日對雪懷伯游自清河北上

我對寒江思笠澤君隨飛雪夢鞋山故鄉都作幾年別
比屋仍憐良會慳此去征塵應不染相逢雙鬢看誰班
城南尺五探春近鬱壘重題還未還

除夕懷五真

椒盤五度惜分飛戊辰己巳辛未壬申癸酉最憶鄰城血染衣己巳仲冬
就先友吳君增謀營葬之貲遂留度歲江水定知歸去好玉顏久謝貴來
稀操齋未減芝蘭氣饋歲聊誇首蓿肥知爾神傷遺像
側不關別淚灑征駢

崇百藥齋三集第二

陽湖陸繼輅祁孫

梅心集

起乙酉正月盡丙戌八月

庭前有夾竹桃一株詩以贈之

三逕荒涼思竹友分書假借認桃妻春來倘有閒情緒
爲爾風前較瘦肥

偶感

鏡裏容華只自知鄰姬漫訝曉妝遲春愁三月深如海
那有心情理鬢絲

輕薄文辭半失真采旄翠羽太紛紛無人爲問曹公子
何處凌波見洛神

人日飲大觀亭題壁

春來裁七日江水已知春似覺櫓聲軟漸于雲影親此

時憑畫檻況值送歸人

宋于庭以是日解纜戒飲十年久終憐酒

味醇

成敗前朝事登臨傍客心無端感陳跡相與發高吟沙
際漚眠熟天涯雁影沈向來吳季重春緒最蕭森

謂花南大

令

顧曲周公瑾

伯恬

心情異昔年傷春大隄柳送客九江絃

于西林歌陽關送客二曲

望遠平蕪近言歸下水便爲歡苦不足奈

此醉時眠

笠澤湖邊艇烟波一望同春潮尚嗚咽鄉夢太冥濛羈

宦驚衰鬢諸君各轉蓬欹邪數行字可稱碧紗籠

亭前素壁

過客貴人
詠殆遍

賦得雪宮

齊烟青處偶停車表海雄風起暮鴉笑絕屢人滕小國
迎來上客魯東家燕臺草長空求駿吳苑花殘罷館娃
一種消沈堪隕涕牛山回首日西斜

爲完顏兵備

麟慶

點定詩集感而有作

家法陳文範詩篇元道州念惟屢小已憂正切橫流

時高

家堰瀆而君擢巡開歸方講求河務憶並軒窗坐全將獄色收故人年未

艾灑涕話前游

丁丑二月與尊君別於泰安遂成永訣

答同年馬水部

瑞辰

猶有浮雲翳太虛閒愁難遣是離居神仙被謫思歸佛
富貴無情或著書牆角短檠斜日後江干紅蓼賞花餘
爲君長觸應劉感謂少崔侍郎次山方伯墓草經年未剪除

寒甚寄五真

峭寒如水潑窗紗坐聽檐冰折玉叉一月東風三日雪
小庭愁殺蚤開花

伴我孤吟有凍雅杜門忽覺是天涯何時緩緩雙輪轉
却聽君家陌上花

聞鴈呈劉眉生廉訪

春風送汝稱歸心怪汝仍流激楚音此去稻梁江上少
共憐歲月客中深天涯舊侶無來信日暮空庭又薄陰

見說神丹河可塞刀圭先擬試黃金

附錄

陳方瀾叔安

悽斷雲中嘹唳聲凌風雙翮去
行程一年南北征塵重
萬里江湖別緒成偶過平沙飛暮雨
無邊寒色下孤城天涯我亦懷人久坐燼
霜檠入二更

秋麓丈泊舟高明寺成水調歌頭一闋暇日見示

感舊有作

三月烟花艷過江禪關開處客心降半村半郭樓臺遠
非竹非絲水石撞小杜舟輕惟載夢平山月缺尙窺窗
爲公一曲揚州慢唱出樽前玉筯雙

雪中戲答徐公子

乃溥

次來韻

江城全碾玉爲塵暗裏韶光過二旬楚客由來工隱語
杜郎差喜未驚春紅酣且忍三年笑白戰還愁一字貧
容易金鈴聽入破恨無人試六花銀

再用前韻戲柬伯恬君夷子俊

漫倩靈犀辟六塵何曾佛說異波旬二分誰判揚州月
五兩全迎建業春洗手定諳中婦性浣紗已耐十年貧
聘錢天遠知難借別向神山乞藥銀

效楊文公三用前韻

分明重訪隔江春人與春光各二旬出檻自生神女霧
凌波不動洛川塵早依紗幔尤當慧待葺東廂未是貧
底事背燈拋久坐直教落月照釵銀

寄孝逸次來韻

風雪漫天獨鴈飛
開函便有淚沾衣
鶯花催客成衰老
環燕何人較瘦肥
故里琴觴佳日少
京華車騎舊交稀
一般春夢如雲遠
君已離山我未歸

附錄

管繩萊

看到花飛又葉飛
寒衣典盡典春衣
官如緣木魚難得
身似空倉雀不肥
細數世情棋局換
欲傾懷抱酒一杯
稀霜鐘與夢爲讎
敵百就千攔未許歸

戲和叔安韻

搖空海水在簾鉤
人與長娥共一樓
爲恐燕環羞欲死
春寒連日罷梳頭

代贈次伯恬韻

殘月非初月新愁續舊愁聞聲拋粉黛欵語賤笙簧半
臂吳絲薄纖腰楚竹修巧疑分柳乞香自媿苟留詩館
元名舫仙居不好樓幾番成眼纈無物報心投屑玉牢
丸滑調餠暮粥稠綺帷迷有霧紙閣貯宜秋對臉先移
枕輕軀稱擁篝傳家三徑菊避跡五湖舟止渴敎餐术
真圓感聚漚盧梁憑燕睇唐韻署鸞讌操鑰隨徐淑懸
弧祀蔣侯意憐梅北向力挽水西流蕭史剛回首仙人
謝狀頭如逢石城槩爲典長卿裘

附錄

舊鏡無留影春風起剩愁低迷金翡翠根觸鈿箜篌

周儀暉

往事廣蒙楚良期誤蹇修惟應思夢笑強爲減歡留
碧月三更夜矯臺百尺樓因循怨泡幻悵惘說膠投
露崔宵懷警冰蟲夏語稠鯀珠終夕雨蟬粉一身秋
上藥歸龍店中衣冷麝篝音乖王母使目斷鄂君舟
賦色憐朝槿浮家歎暮漚寒暄判愉戚爾汝任恩讎
兩槳迎桃葉雙鬢艷阿侯賓鴻終北向恨水只東流
世態憐黃靨人心感白頭幾聞申旦且偕隱到菟裘
于廷以金陵近詩見寄次韻答之

漢湖春水尙流澌尺半魚書到未遲載夢江波從蕩漾
窺人壁月破吟持單情憔悴餘雙鬢俊賞傳聞又一時
莫漫青尊邀痛飲眼中誰是謝莊兒

汪太守

恩以閩立本畫米芾書歸來辭

合廢成冊索

題

上將初開天策府右相丹青照千古十八學士圖瀛洲
曹霸凌烟未渠數烟雲風捲波流漸米家船上無此奇
先生別得此一幘我來展讀心然疑所繪何事不可知
霜毫細欲分游絲重樓複閣人參差締視一一嫋容儀
小言漫賦觸氏門險語敢續矛頭炊就令詩成亦乏善
手寫貝多片葉能竟道德五千解官閣傳觀古懷劇太
丘心吾通守收藏亦成癖慨然寄贈南宮書小冊斐池題合
璧舜泉抉石世所矜帶也實並蘇黃稱若教持以妃閨
畫猶似遠祖撫頂臨雲仍先生家世金陵住南唐秘笈

應曾遇蕭條宦橐不畏蜀道難太守前官四川縣令何況咫尺平江接瓜步此書心賞尤在陶公文似勸先生拂衣去先生勿去聽我歌公與閻米皆殊科畫師傳呼宰輔恥元祐謫逐名賢多方今

聖主知人邁唐宋良二千石豈得棲岩阿祝公旦晚任屏翰此畫此書光采換由來物貴以人傳玉枕蘭亭復誰看先生喜我言非狂命我縱筆書左方興來欲訪石丈脩閒堂誰歟剪取漢湖之水春汪洋

新霽謙客復爲大風雨所阻遣悶有作

一月纔看三日晴鄉愁難遣是清明暫來紙醉金迷處又聽酸風苦雨聲大地鶯花春夢斷江城波浪客心驚

歡筵佳節尋常事幾度裁牋約不成

答吳侍御

廣枚

次來韻

蹉跎臺省媿諸公敢說寒窶隱可充老屋全荒三徑竹

移家尙滯一帆風

余典屋赴官頃移居皖城風阻未達

漫燒學士如椽燭

聊策書生刻楮功

時與修省志

最是夜闌人未寢江城四月

有秋蟲

秋陰獨坐東汪太守

落葉忽如雨聽秋我最先臨岐知己淚薄暝送人天扇
訝迎涼早眉驚染黛妍誰家老中饋不仗小姑憐

蓄米告罄舉家食粥戲成一詩

一樣炊烟氣似虹全家歡笑噉雙弓媿無書比平原好

畧有詩堪少傳同六載素餐樓客雁十年蕭寺憶盤龍
居然四代團樂坐未卜何人劃最工

時君孚魄應岱從孫恩應鍾應蓀應

庚應從曾孫佑磨
佑珍皆在鷹舍

朱大令

錦瑜

自宣城來訪話舊有作

禪榻驚秋客江樓望遠天逢君成一笑此別已經年互
指侵霜鬢邀聽流水弦千秋亦虛願聊用慰樽前

仙吏今餘幾

謂申耆梅史甫先後去皖石

前游似隔生僑居驚聚散

離緒各縱橫痛淚雨初霽

屬有長女之喪哀過於禮君屢賂書見規

雙臚月

共明敬亭看厭未珍重遣鄉情

張主簿

宜尊

爲鄧孝廉

顯鶴

作南村耦耕圖

鄧生家貧一畝無奢願欲作耕田夫可憐懷此不得遂

道逢黃犧生嗟吁張生掀髯易易耳我爲卿作耕田圖
一人驅牛肩荷鋤一人側笠相招呼平疇雨過綠如許
快意指點誇膏腴山環水抱露茅屋畫所未及窺徐徐
山妻日織一疋布兒子夜讀百篇書蠶瓶縱橫雜酒甓
狸奴跳躍驚疲驢豈惟幽棲足忘世埋骨亦勝陶家鑪
君不見浮生幻境何不有各以意造供嬉娛華嚴樓閣
彈指現矧此片壤誠區區又不見吾家霍莊風景殊十
年讀畫空時踞圭田已斷先世祿老屋尙屬他人居鄧
生與我差賢愚何修便許游華胥詩成不覺成軒渠送

爾刺促登徵車

鄧孝廉詩集題後

我詩與君詩各有獨至處惟其調不同所以意相慕我
詩如風君如雅一種幽懷此中寫詩才易竭淚不乾人
生憂患來無端君家阿芬已復活君女壽危疾初愈掩卷蒼茫
痛死別謂亡女君淑也

附贈詩

鄧顯鶴湘皋

女耳吟成絮賢哉婦勝梅一門俱有集羣從況多才
偶束塵中帶仍辭俗客杯維摩雖善病懷抱自爲開
此事真千載低頭定幾人天教生並世髯已獨超倫
寂寞羅含宅淒涼孟母鄰唯餘舊衣綫猶共淚痕新
伯厚雲溪送別圖

橋頭慣作分襟地畫裏重看送遠詞柳色淡黃溪水碧

年年是我別家時

紀異二十韻爲朱宣城

善氣所旁薄動植皆可徵愔愔朱大令三年宰宣城
庭草日益滋年穀日益登問君安致此君謝無他能上承
賢母訓治獄必以情怡然進晨羞鄉思忘尊羹下課諸
子讀壹心絕兼營粲然后夕秀吹息如蘭馨家庭樂婉
惱敢謂堪儀型民醇易爲感吏拙非政成我聞竊歎息
諒矣先聖經易俗以身教捷過賞與刑肅宇蜚嚴霜橘
柚當風傾回黃忽轉綠一實乃再榮慈闈千曼壽瑞木
濟風聲嗟哉河陽長養拙辭匪誠慙負滿縣花終玷千
秋名君家本根厚君更培其莖英英謝階樹菀菀田氏

荆餘慶理不易常譚君所聽

從陽舟次得子辨書時距君淑之亡九月矣

寒風吹送斷腸箋似有幽魂繞膝前此夜滄江難穩臥
柝聲如雨角如烟

雨雪連朝春寒特甚簡吳大令陳公子

小病經旬感歲華江城寒雨尙如麻羣公知我將焚研
此地何人耐看花蕭颯鬢鬢貴從點雪支離腰脚稱浮槎
時民間訛言復有水患悶來慵觸丞卿怒擬借筵前鼓一撾

孝逸來宰含山相見有作

一鞭特爲駐斜曛時余司訓報滿將有北行待君未發難得相逢出岫雲
到此情懷成黯黯後來毀譽正紛紛溫柔詩教無嚴酷

終始官聲較惰勤莫漫江城夸坐歎早傳輿頌張吾軍

過默菴夜話有作

碧城隱約記前游溫嶠依然第二流輸苑文章初放膽
江南轉漕喜迴舟杏花尙苦無消息萍葉何因定去留
絕倒營巢雙燕子時與默菴皆新移寓舍春寒如水典征裘

詠秋海棠用漁洋山人秋柳詩韻

春魂銷盡剩秋魂細雨斜風鎮掩門病後淺粧仍絕艷
朝來破粉又成痕回生倩女疑前夢去國明妃失故村
只有詩人能念舊韶華烟景與重論

妬花何必定嚴霜一剪西風過野塘翠袖單寒羞並蒂
嫁衣重疊鎖閒箱底將遺事譚天寶又託情根怨法王

除倩司香舊仙尉秋庭來署女貞坊

露華涼透八銖衣芳訊傳來事事非杜曲春愁吟興減
睂山宵謙燭光稀并無嬌鳥啼花至或有孤螢繞砌飛
枉自牽牛能引蔓片時榮悴素心違

娉婷生小字偏憐紫玉何曾便化烟寶淚經秋猶染絳
薄羅倚檻待裴緜幾人俊賞成前度慰我離愁未隔年
寂寥園林重到處無多詩思夕陽邊

附同作

鄧廷楨嶰筠

乍返珊瑚倩女魂護持猶爲掩重門半年春色回香
夢十日秋陰破淺痕蘅芷故應摹別館苧蘿終是怨
荒村陳思只解凌波賦滴粉搓酥孰與論

只禁清露不禁霜采罷扶容過野塘點臂丹砂封鉢
合映肌紅裏啟筠箱曉風淒咽憐齊女暮雨迷離夢
楚王頻向畫牆西畔見不須走馬碧雞坊

花如人弱不勝衣離合神光認轉非綽約只宜修竹
倚伶俜欲共畹蘭稀領邊黃褪蜂猶戀麝底紅生蝶
暗飛砌草檐花半麓俗空階相賞不相違

雲籠月寫最堪憐底用燒殘蠟炬烟爲爾秋吟情宛
轉誤人春睡意纏縵貯嬌可待黃金屋扶醉相看碧
玉年記得故園親手種辛夷花下露葵邊

詠白秋海棠和陳三叔安

才展瓊箋賦小紅

時方和高密中
春秋海棠詩

新聲又唱玉玲瓏牆

根記得埋憂地簾底揀禁破曉風歲歲花期人病後深
深蘭息蠶須中分明淺醉閒眠處珊瑚全移碧簟空
納涼院宇貫招邀一到秋來路便遙豈少狂游燒寶炬
肯因寒序換冰綃臘脂山失朱顏減蘆荻風高絳樹彫
艷說徐熙工沒骨後庭花已怨南朝

又和叔安代白秋海棠答謝之作

千卿何事費幽尋飯顆春愁久輒吟入道真妃圖稿袂
單棲卓女訴瑤琴怪他陶徑多頑艷畧比湘花託素心
我自清霜初點鬢秋來情緒易沾襟
憐香無計愧憐才知爾孤心亦漸灰生處便成埋玉塚
此間難築避風臺素娥窺影何曾見青女傳書又屢催

底術爲伊禁忍俊手鐫元石壓蒼苔

崧亭廉訪春湖夜泛圖

春湖茗茗橫碧玉百轉千迴織羅縠夾岸青山化作烟
直接遙空月波綠使君樂水通性情意氣亦與春水平
扁舟一葉櫓聲軟欸乃不遣閒鷗驚備兵餉看秦山翠
太華終南落衣袂

皇恩特許愛江南楚岫吳雲鎮如繪圖中烟水重復重
鏡影艷絕桃花紅湖山平遠此延佇鬢鬚地似皋亭東
皋亭桃花春萬片我逮先公侍清讌卽今官閣許頻窺
重是華堂舊棲燕蕉萃樊南最感知尊前白菊寄離思
何時西子湖邊艇重訪東坡閣上詩西湖蘇文忠祠尊
甫尚書公無浙時

所建祠中
觴詠尤盛

題伯厚近詩

一掬羊羣淚逢君又滿巾謝庭無積雪杜律有傳薪

先外

舅酉禾先生
深於杜學

喬木彫寒翠崇蘭悟夙因

九柏山房小蘭亭君家塾名余

小時讀書其中今柏半枯死蘭亦萎謝無存矣

何年成築室相約共蕭晨

客舍秋容寂君來聽苦吟同羈絕塵驥暫作並巢禽
擗檄嗟吾晚依人非汝心名園

謂近園內高祖觀察府君讀書處

無恙在

終擬愜幽尋

將有北行朱宣城寄詩送別次韻答之

宦海論交不恨遲依然仙吏解相思征程漸覺長安遠
歸夢惟應江水知

三間老屋牽漁艇一夜新霜警鴈羣
問我離愁都幾許秋陰連日敬亭雲

乘風氣短人將老知已恩深願未酬
一樣高寒遙望處已無清夢上瓊樓